



Page: 4

Reach: 0

Country: BOSNIA AND HERZEGOVINA

Size: 354 cm2

1 / 2

MILORAD DODIK O SLUČAJU 'ZUBAC'

Bošnjaci žele kontrolu i nad sektorom sigurnosti u BiH

Predsjednik RS-a je rekao kako Bošnjaci smjenom Zupca žele zaustaviti istrage o ratnim zločinima Armije BiH

Predsjednik Republike Srpske Milorad Dodik rekao je da se iza kontinuiranih napada na direktora Agencije za istrage i zaštitu BiH (SIPA) Gorana Zupca krije čisto politikantstvo establišmenta iz Sarajeva čiji je jedini cilj da on bude uklonjen kako bi preuzeli potpunu kontrolu nad sigurnosnim



Page: 4

Reach: 0

Country: BOSNIA AND HERZEGOVINA

Size: 354 cm2

2 / 2

sektorom, kao što su to učinili s pravosuđem, te sačuvali bošnjački kadar od odgovornosti za ratni zločin i kriminal. Predsjednik Republike Srpske je naglasio da se kontinuirani napadi na Zupca i na svakog onog tko je reprezent profesionalizma događaju onda kada se bošnjački establišment ne može izboriti s političkim stavovima RS-a. "Onda pokušaju s napadima na direktore agencija ili institucija na čijem čelu je srpski kadar, poput direktora SIPA-e", izjavio je Dodik za "Glas Srpske". On je naglasio da je nedopustivo ponašanje postupajućeg tužitelja tužiteljstva BiH i zamjenika ministra sigurnosti u slučaju Gorana Zupca, dodajući da Bošnjaci ne bježe ni od nezakonitih poteza kada je njima u interesu da se obračunaju s

DODIK JE PORUČIO KAKO JE NEDOPUSTIVO PONAŠANJE TUŽITELJA TUŽITELJSTVA BIH I ZAMJENIKA MINISTRA SIGURNOSTI BIH

profesionalcima. Predsjednik RS-a je istaknuo da oni time žele dovesti u pitanje sve srpske kadrove u pravosuđu i policijskim agencijama. "Kroz lažne sudske procese koje generira Tužiteljstvo BiH nastoje urediti SIPA-u kako njima odgovara. Sadašnji rad SIPA-e i Zupca im ne odgovaraju u prvom redu zbog toga što su se pod istragama našli bošnjački kadrovi i što su procesuirani ratni zločini koji su činjeni nad Srbima i veliki slučajevi kriminala i korupcije u koje su bošnjački kadrovi debelo upetljani", naveo je Dodik. Prema njegovim riječima, obračun sa srpskim kadrom u Sarajevu predstavnik RS-a dovodi u poziciju da još jednom preispitaju sve ono što je nametnula međunarodna zajednica. "Sve što je nametnuto ima problem da preživi jer naprosto je napravljeno kako bi bilo zloupotrijebljeno i da bi se pravila neka BiH koja je nemoguća i neodrživa takvim zloupotrebama. Zloupotrebe koje čine ne mogu i neće proći, uključujući i slučaj 'Zubac'", poručio je Dodik. Zaključio je kako nema napretka tamo gdje samo BiH ima nadležnosti.